




Rīmwe tene mūno nyamū ciothe ciatūraga hamwe. Ciatūraga ikenanīire mūtitū-inī. O nyamū yarutaga wīra wayo ītakūnegena.

Nī kwarī na irio cia kūigana nyamū ciothe. Nyamū nī ciarī na kīrīa gīothe ciabataraga. Mūtitū naguo nīwacigitagīra wega. Gūtirī thū īngīakinyire harīa ciakaraga. Ciatūraga na thayū. Njogu nīwe warī Mūthamaki wacio.



Mwena-inī ūmwe wa mūtitū nī kwarī na karūūī. Waikaikūrūka kuuma karūūī-inī nī harī na karia. O mūthenya Mūthamaki Njogu nīathiūrūrkaga mūtitū. Athiūrūrkaga kūrora ūrīa nyamū ciaikaraga. Endaga kuona ūrīa ciarutuga wīra wacio. Nīciaigaga mūtitū wī mūtheru mūno.

Rīmwe na rīmwe Mūthamaki Njogu nīakuuaga nyamū imwe na mūgongo. Ningī nī athondekaga tūcīra tūrīa twageragwo nī nyamū. Nyamū ciothe nīciendete Mūthamaki Njogu. Aarī Mūthamaki mwega. Nīciamūinagīra nyīmbo cia kūmūtūgīria ciona akīhītūka:

*Mūthamaki Njogu twendete, we wī mūnene ma*

*Mūthamaki Njogu twendete, we wī mwega ma!*



Mūthia-inī ūrīa ūngī wa mūtitū nī harī na mūciī. Mūciī ūcio waarī na nyūmba thaka mūno. Waarī mūciī mūirigīre wega mūno. Mūgūnda-inī nī gwakūrītio mīmera mīngī itiganīte. Mūciī ūcio warī wa Mūndū.

Mūndū aikaraga gwake mūciī na bamīrī yake. Mūndū no we mariganītie na nyamū mūtitū-inī. Nyamū nyungī nī cioī mūndū. Nīmathekaga nī ūndū wa ūrīa Mūndū na andū a bamīrī yake mathiaga na magūrū meerī.


Onake Mūndū nī oī nyamū imwe. Nīonaga nyamū imwe akiuma gwake mūciī. Atahaga maaī karūūī-inī. Mūndū ningī nīacemanagia na nyamū ingī agītua matunda ma mūtitū.



Karūūī kau kaarī na maaī mega mūno. Ningī hakuhī na karūūī haarī na nyeki nduru. Nyeki ūyo yatūūraga īnduru mahinda mothe. Ona rīrīa riūa rīara biū, nyeki ya handū hau ndīomaga. Nyamū nyingī nī ciendete gūkoma hau.

Njogu na bamīrī yake nīmendete gūtubīra karūūī-inī.  
Nīmendete gūthakīra maaī-inī mena mūtooro. Kwī hīndī  
mathakagīra karia-inī kuuma rūciinī nginya hwaī-inī.


Njogu marī na ūrata mūnene mūno na Mūndū. Nīkīo  
Mūthamaki Njogu amwītīkīrītie gūikara hakuhī na mūtitū.  
Mūthamaki Njogu angīacereire Mūndū, nīaheagwo marigū  
meeru ma gacukari.



Mūthenya ūmwe Mūthamaki Njogu nī aceereire Mūndū. Mūndū nīakenire mūno nī gūceererwo nī Mūthamaki Njogu. Nī aheire Mūthamaki Njogu marigū meeru arīe. Hwai-inī nīamūheire marigū mangī maingī atwarīre tūcaū twake. Mūthamaki Njogu nī akenire mūno.

Nyamū nī ciakire mūno kuona Mūthamaki Njogu akiuma kwa Mūndū mūciī. Gūtirī nyamū ūngīoririe Mūthamaki ūhoro ūkonie iceera rīake.


Tūcaū twa Njogu onatuo nītwakeneire marigū meeru mūno. Nītwahoire ithe marigū mangī. Ndaarī namo matigarīte. Marigū matiakūraga mūtitū. Tūcaū nī twarīrire ūtukū mūgima. Nyina, na nīwe mūtumia wa Mūthamaki, nīathīnīkire ngoro mūno.



Rūciinī gwakīa Njogu nī onire Nūgū ūkīhītūka. Hīndī ūyo Nūgū ndīatūraga mītī-igūrū.

Mūthamaki nī athire Nūgū, “Thīi kwa Mūndū na ūmwīre akūhe marigū meeru he tūcaū twakwa.” Nūgū nī yakirire gwa kahinda. Yacokire ūgīthiī hakuhī na Mūthamaki Njogu.


Yakinya hakuhī nī yamūhehereirie, “Mūndū nī njūhīga. Agūkūhe marigū no mūthia-inī nī agūtūtunya mūtitū witū.” Njogu nī arakarire mūno. Nīagarūrūkire o rīmwe na akīgūtha Nūgū ihati. Nūgū nīyaikirio igūrū rīa mūtī warī hakuhī. Kuuma mūthenya ūcio Nūgū ūkīambīrīria gūikara mītī igūrū.



Thutha ūcio Mūthamaki Njogu nī etire Nguru. Nguru yaarī njīhokeku mūno. Hīndī ūyo Nguru yaarī na rūūa rūnyoroku ta rwa nguū.

Mūthamaki Njogu nī athire Nguru, “Thiī kwa Mūndū na ūmwīre akūhe marigū meeru he tūcaū twakwa.” Nguru nī yakirire gwa kahinda. Nīyetigagīra ūrīa Mūthamaki akūmīka yamwīra ma. Nī yacokire ūkīaria na mūgambo warī na kīeha.


Ūkiuga, “Mūndū nī mūkoroku mūno. Nī agūkūhe marigū no mūthia-inī nī agūtūtunya mūtitū witū.” Njogu nī arakarire mūno. Nī arangīrīirie Nguru thī na mathirī maingī. Nguru yahonire thuutha wa ihinda iraya mūno. Rīrīa yahonire mūgongo wayo nī womīte mūno. Nī wacokire ūgīkaracūka mūno na nīguo ūtūrūraga nginya ūmūthī.



Mūthamaki Njogu nī etire Ngīrī. Nīyo yaarī nyamū ūrīa njathīki biū gwī ciothe. Hingo ūyo, Ngīrī yarī na thīya njega itarī na magego maumīru.

Mūthamaki nī aathire Ngīrī, “Thīi kwī Mūndū na ūmwīre akūhe tūrigū twīru he tūcaū twakwa.” Ngīrī nī yakirire gwa kahinda. Nīyacokire ūgīthīi gūtū-inī kwa Mūthamaki na ūkīmūheherera.

Yamwīrire, “Mūndū ndangīhokeka. Tene tene mūno Mūndū aarī na mūgūnda mūthaka wa matunda ta ūyū. Wetagwo Mūgūnda wa Endeni. Nīakararie Mūmwathi na akīingatwo kuuma mūgūnda-inī ūcio. Rīu arenda kuoya mūtitū witū.” Njogu nī arakarire mūno. Nī ahiūririe mīguongo yake kwī Ngīrī. Nī aringire Ngīrī thīya-inī na mīthiya ya mīguongo. Ūndū ūyū nī watūmire magego mamwe ma Ngīrī macomoke nja ya kanua na matūraga ūguo nginya ūmūthī.



Hwaĩ-inĩ nĩ wakinyire na gũgítuka. Mûthamaki eciririe ūtukũ mûgima. Ndahotire kuona toro. Kwaroka gükia rüciinĩ kîroko tene nĩ etire Nyoka gïikaro-inĩ gïake. Hîndî ïyo nyoka yarî na guoya ngothi-inĩ yayo.

Mûthamaki nĩ aathire Nyoka, “Thiĩ kwî Mûndû na ūmwîre akûhe tûrigû twîru he tûcaû twakwa.” Nyoka nĩ yamakire yaigua ūguo. Nîyethûire guoya-inĩ na mûtwe wayo. Nyoka nîyoñ Mûndû wega mûno. Nîyacokire ïkîaria.


“Niñ twatûraga na Mûndû. Nîndamûhenirie. Akoragwo andakarîire mûno. Anyona no kûhûra akûhûra mûtwe aûmondange. Agûcoka oke kûgîra mîguongo yaku. Nîagûtûtunya mûtitû ūyû witû.” Uhoro ūyû nĩ warakaririe Njogu mûno. Nîarangîrîrie mûtwe wa Nyoka thîi na kûgûrû gwake kûnene. Nyoka nĩ yageririe mûno gwîteithûra. Yahihinyirwo ūyû atî guoya wayo wothe nîwaumire. Yatigirwo na rûña rûnyoroku rûrîa ïtûraga naruo nginya ūmûthî ūyû.



Nyamū ciothe nīciaguīte ūrīa Mūthamaki ekire Nūgū. Nicioī atī Nūgū yaikaraga mītī-igūrū. Nīcionire ūrīa Njogu yekire Nguru. Nī ciamenyaga atī Nguru nīyagīte mwīrī mūmū na mūkaragacūku.


Nyamū ciothe nīciaguīte ūrīa Mūthamaki ekire Ngīrī. Nīciamenyaga atī rīu Ngīrī īna magego macomoku. Nīcionire ūrīa Njogu yekire Nyoka. Nīciamenyaga atī rīu ikoragwo na rūūa rūnyoroku. Nī ciamenyaga atī rīu no nginya nyoka īkarage īkīūnūkaga rūūa.

Nyamū icio nī ciacemanirie na hitho. Itiamenyithirie Njogu ūhoro wa mūcemanio. Itiendaga Mūthamaki amenye mūbango wacio. Ciatongoretio nī Mūrūthi. Nyamū ciothe nīcietīkanīirie atī Mūthamaki eta nyamū īngī, ciothe imiume thutha.



Mūbango warī atī cīhithe gīthaka-inī cione ūrīa Njogu egwīka. Nīciamenyaga atī Mūthamaki Njogu no agwīta nyamū īngī. Gūtirī nyamū yendaga gūthiī hakuhī na Mūthamaki kūigua ūrīa ekuuga.


Kīmbu nīkīambararirie rūrīmī gīkiuga, “Niī nī ndīthiī o hakuhī o ūrīa kūngīhoteka.” Kīmbu nīgīetīkīrire kwīgarūra rangi kīhanane na mathangū ma mītī nīguo kīhithe wega. Mūthamaki Njogu ndamenyire mūbango ūrīa nyamū ciarī naguo.



Mūthenya ūrīa warūmīriire Mūthamaki nī etire Mbogo. Yaarī īmwe ya arangīri arīa ehokeku. Yarangagīra kīhingo gīa kūingīra kwa Mūthamaki. Hīndī īyo hīa ciayo ciahanaga ota cia ng'ombe. Kwarī hinya gūkūrana mbogo kuuma kwī ng'ombe.

Mbogo yarī mūrangīri ūrī ūrūme. Yathire ihenya kuuma kīhingo-inī kūigua ūrīa Mūthamaki Njogu endaga īike.

Rīrīa Mbogo yakinyire Mūthamaki nī amīathire, “Thīi kwī Mūndū na ūmwīre akūhe tūrigū twīru he tūcaū twakwa.” Mbogo nī yakirire gwa kahinda.



Nīyacokire ūkiuga, “Mūthamaki wakwa, hīndī ciothe haicīte mūringoti-inī igūrū nī nyonaga Mūndū agītūrorereria. Endaga gūtūtua ngombo ciake. Tarora ūrīa ekīte Ng’ombe. Nī endaga gūka kūgīra hīa cia Munyi.”

“Nīakuoya mūtitū ūyū na nīguo mūciī witū. Nī agūtema mītī nīguo agīe na mbaū cia gwaka nyūmba ciake. Nīegūtema mītī agīe makara. Nīegūtema mītī nīguo one ngū. Thutha ūcio agūtua gūkū mūgūnda wake arīme na ahande mīmera ya irio ciake.” Mbogo ūkīongerera.

Ūhoro ūyū onaguo nīwarakaririe Njogu. Nī aringire Mbogo mūtwe na mīguongo yayo. Iringa rīu nīrīatūmire hīa cia mbogo igonyoke na irore mīena. Nginyagia ūmūthī hīa cia mbogo ikoragwo cīi ng’onyoku. Mbogo nī yorire ūgīthīi mūtitū. Ndīacokire kūrangīra Mūthamaki rīngī.



Kīmbu nī kīaiguire mīario yothe. Kīehithīte ithangū-inī rīarī igūrū rīa Njogu. Nī gīathire gīkīra nyamū iria ingī ūrīa wothe gūkūhanaga. Thutha wa kahinda nyamū ciothe ikiumīra kuuma kūrīa ciehithīte. Ciatongoretio nī Mūrūthi. Ciainaga ta ūū:

*Ciaigana nī ciaigana Njogu!*

*Nītūraiguire ūrīa ūrekire Nūgū,*

*Rīu ūraikara mītī-igūrū.*

*Nītūraiguire ūrīa ūrekire Nguru,*

*Rīu ūna mūgongo ūmīte ta ihiga.*

*Nītūraiguire ūrīa ūrekire Ngīrī,*


*Rīu ūna magego macomoku.*

*Nītūraiguire ūrīa ūrekire Nyoka,*

*Rīu ūna rūūa rūnyoroku.*

*Nītūraiguire ūrīa ūrekire Nguru,*

*Na rīu Mbogo iitū! Ciaigana nī ciaigana!*



Mūthamaki Njogu nī amakirio mūno nī inegene rīu.  
Ndamenyaga inegene rīaumaga kū. Nīaririkanire ūrīa Nūgū  
yamwīrīte. Nīaririkanire ūrīa Nguru na Ngīrī ciamwīrīte.  
Nīaririkanire ūrīa Nyoka yamwīrīte.

Nīaririkanire ūrīa Mbogo yarī yamwīra! Agīcirla atī Mūndū  
nī oka kūgīra mīguongo yake. Nī amenyire maūndū ti mega.  
Agīta njaū ciāke na nyina wacio.

Nī ciorire na ihenya inene o ūrīa cingīahotire. Nīciorire  
cikīngīra mūtitū ūrīa mūriku.



# GHRRRR!



Nyamū ciothe nīciakūngūīre mūno. Nūgū nīyakenire! Nguru onayo taguo. Ngīrī nī yakenire! Ona Nyoka no yakenire. Mbogo nayo yarī ngenu. Nyamū ciothe itiendaga Njogu atuīke Mūthamaki wao rīngī.

Nyamū nī ciacemanirie rīngī. Ciothe na kayū kamwe nīciathurire Mūrūthi atuīke Mūthamaki wao! Nginyagia ūmūthī Mūrūthi nīwe Mūthamaki wa nyamū cia gīthaka.